

Հենրիկ Աբրահամյան
Պատմ. գիտությունների դրկտոր, պրոֆեսոր

ԱՆՑՈՒՄԸ ՄԻԱԿՈՒՍԱԿՑԱԿԱՆ ՀԱՍԱԿԱՐԳԻՑ ԲԱԶՄԱԿՈՒՍԱԿՑՈՒԹՅԱՆ
ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԻՒՄ ՈՐՊԵՍ ԺՈՂՈՎՐԴԱՎԱՐՈՒԹՅԱՆ
ԿԱՐԵՎՈՐ ԳՈՐԾՈՆ (1991-2012 թթ.)

XX դ. ավարտին Խորհրդային Միության և համաշխարհային սոցիալիստական համակարգի փլուզումը, նորանկախ պետությունների ձևավորումը անկասկած պատմական կարևոր իրադարձությունների էին: Աշխարհում ձևավորվեց ուժեղի նոր հարաբերակցություն, նոր իրավիճակ, իսկ նորանկախ պետությունների գաղացման համար՝ նոր հնարավորություններ ու հեռանկարներ: Սակայն նորանկախ պետությունները միանգամից չեն, որ կարողանում էին ազատվել նախորդ ժամանակաշրջանի բեռից, մշակել կառավարման այնահին մի համակարգ, որի կարևոր չափանիշներից մեկը, բազմաթիվ այլ արժեքներից զատ, միակուսակցական համակարգից բազմակուսակցության անցումն էր: Պատմությունը ուսուցանում է նաև, որ մարդկանց հասարակական գիտակցության մեջ կատարվող փոփոխությունները, խնորումները հեշտությամբ չեն, որ կատարվում են: Դրանց համար պահանջվում է երկար ժամանակ, երբ հասարակության որոշ խավերի շրջանում առաջացող գաղափարները աստիճանաբար տիրապետում են նաև մեծ մասին: Նման դեպքում կանգնեցնել այդ գործընթացը այնքան էլ հեշտ չէ, որքան էլ որ երկրի կառավարող վերնախավը հսկայական ջանքեր է գործադրում կանգնեցնելու հասարակության ներքին շերտերում, մարդկանց գիտակցության մեջ կատարվող փոփոխությունները:

Նման իրավիճակ Խորհրդային Միությունում ստեղծվեց 1970-1980-ական թվականներին, երբ առավել ևս ԽՍՀՄ ազգային ծայրամասերում, այդ թվում նաև Անդրբնովկաստում (Հարավային Կովկաս) սկսվեցին ազգանիջյան հարցերի շուրջ նոր խորումներ: Այդ նոր երևույթի առավել վառ դրսևը կանգնեցներից մեկը Խորհրդային Հայաստանում և Լեռնային Ղարաբաղում սկսված Արցախյան շարժումն էր, որի արձագանքները անկախ Կենտրոնի տվյալ գնահատականից (եքստրեմիստական-ծայրահեղական), հասարակության լայն շրջանակներում տարածում և պաշտպանություն գտավ:

Ներկայացնելով և գնահատելով Խորհրդային Միության տվյալ ժամանակաշրջանի հասարակական-քաղաքական գործընթացները, հասարակական նոր մտածելակերպը՝ ակադեմիկոս Բ. Տոպորնին այդ օրերի մասին գրում է, որ Խորհրդային Միությունը այն ձևով, որով նա ձևավորվել էր նախորդ տասնամյակների ընթացքում, չեր բավարարում նրա մեջ մտնող հանրապետություններին: Զնավորվել էր մինյանց հակառակելու յուրօրինակ մի կարծրատիպ, երբ Միությունը չէր դիտվում որպես հանրապետությունները միավորող, ինտեգրող և նրանց շահերն արտահայտող մարմին, այլ ավելի շատ դիտվում էր որպես օտար ուժ, որը կտրված էր իր սուբյեկտներից՝ իր

անչափ կենտրոնացված, բյուրոկրատական մեծ ապարատով¹: Դժվար չէ տեսնել, որ մեր հանրապետությունում ևս ծևավորված հասարակական մքննորտի դրսնորումներից մեկն այն էր, որ առաջացավ անդունդ Հայաստանի կոմկուսի, նրա դեկավար մարմինների և հասարակության այն անդամների միջև, ովքեր պաշտպանեցին շարժման ալիքի վրա ծևավորված «Ղարաբաղ կոմիտեին»: Եվ քանի դեռ երկրի դեկավարությունը, այդ թվում նաև Հայաստանի Հանրապետության դեկավարությունը, հատկապես կուսակցական վերնախավը (Կենտկոմի առաջին քարտուղար Կարեն Դեմիրճյան) պատրաստ չէին որևէ գիշճան և ամեն ինչ անում էին կանխելու ներքելից եկող նախաձեռնությունները, հրապարակային ելույթները, կազմակերպություններ ստեղծելու փորձերը և այլն, ուստի հակասությունները վերևների և ներքևների (ժողովրդի) միջև խորանում էին: Այդ տեսակետից հետաքրքիր է ներկայացնել Հայաստանի կոմկուսի Կենտկոմի բյուրոյի 1988 թ. մարտի 23-ին ընդունած որոշումը՝ «Հանրապետության քաղաքներում, շրջաններում քաղաքացիների նախաձեռնությամբ կազմակերպվող զանգվածային միջոցառումների, ժողովների անցկացման ժամանակավոր կանոնների մասին»², որում բավական հանգանառեն վերլուծված է քաղաքացիների կողմից կազմակերպվող ժողովների, փողոցային երթերի, հրապարակային հավաքների և այլ կարգի զանգվածային միջոցառումների անցկացման կարգը, որն ավելի շատ հանգում էր դրանց արգելմանը, քանզի միայն համապատասխան մարմինների կողմից թույլտվության դեպքում կարող էին ննան միջոցառումներ անցկացնել, որոնց թույլտվություն ստանալը անչափ դժվար էր, եթե ոչ՝ անհնար: Եվ որպեսզի իրոք կանխվեին ննան միջոցառումները, ԶԿԿ Կենտկոմի բյուրոն նույն նիստում (արձ. № 71) քննարկեց «Ղարաբաղ կոմիտեն անօրինական ճանաչելու մասին» հարցը, որտեղ նշվում է, որ այսպես կոչված «Ղարաբաղ կոմիտեի» գործունեությունը չի համապատասխանում Խորհրդային Հայաստանի Սահմանադրությանը և գործող օրենսդրությանը: ԶԿԿ Կենտկոմի բյուրոն միաժամանակ նշում է, որ «Ղարաբաղ կոմիտեի» աշխատանքը ծեռք է բերել քաղաքական վտանգավոր բնույթ և հակասում է ժողովրդի շահերին: Կենտկոմի բյուրոն, Ելնելով դրանից, ընդունել է որոշում. ա) ճանաչել այսպես կոչված «Ղարաբաղ կոմիտեն» անօրինական և դադարեցնել նրա գործունեությունը, բ) հավանություն տալ ՀՆՍՀ Գերագույն խորհրդի նախագահության որոշման նախագիծին, որը ևս կցված է նույն արձանագրությանը³:

Բայց քանի որ երկրում դեպքերի զարգացումը դուրս էր գալիս Կենտրոնի վերահսկողությունից և ինչ-որ ինաստով դառնում անկառավարելի, ԽՄԿԿ Կենտկոմը 1989 թ. հունվարի 30-ին ընդունեց որոշում, «ԽՄԿԿ քաղաքական կառուցվածքի դեմ հակասոցիալիստական օպոզիցիոն (ընդիմադիր) տարրերի հակազդեցության դեմ միջոցառումներ մասին», որի կենսագործման համար ԶԿԿ Կենտկոմի բյուրոն 1989 թ. ապրիլի 4-ին ևս ընդունեց համապատասխան որոշում՝ հանձնարարելով Կենտկոմի քարտուղարներ Օ. Ի. Լոբովին, Գ. Ա. Գալոյանին և մյուս պատասխանատու աշխատողներին տվյալ հարցի վերաբերյալ որոշման նոր նախագիծ կազմել և ներկայացնել քննարկման⁴: Խոսվում է նաև այն մասին, որ որքան էլ Գորբաչովյան վերա-

կառուցումը փորձում էր շատ հարցերի վերաբերյալ նոր մոտեցումներ առաջարկել՝ ժողովրդավարություն, հրապարակայնություն և այլն, այնուամենայնիվ իրական կյանքը թե Սիությունում, թե Խորհրդային Հայաստանում հեշտությամբ չեր փոխվում, որը հնարապորություն կտար մարդկանց ըստ իրենց նախասիրությունների ստեղծել քաղաքական կուսակցություններ, բարձրածայն խոսել իրենց հայացքների մասին, ծևավորել պաշտոնական գաղափարախոսությանն ընդդիմադիրի շարժումներ, այլընտրանքային հոսանքներ և այլն: Սակայն անկախ Կենտրոնի և հանրապետության դեկավարության ննան հարցերի նկատմամբ կարծր, մերժողական դիքորոշումից, միևնույն է, երկրի ընդերքում ծևավորվում էին նոր շարժումներ, հոսանքներ և նոր կազմակերպություններ: Դեռ ավելին, Խորհրդային Սիության տարիներին խրուչչովյան ծննակի պայմաններում սկսեց այլախոհական շարժում: 1966 թ. Երևանում, հոված գաղտնի պայմաններում, ստեղծվել է Ազգային միացյալ կուսակցություն (ԱԱԿ): Նկարիչ Յայկազ Խաչատրյանի նախաձեռնությամբ, ով մինչև 1968 թ. եղել է կուսակցական դեկավար: Նա 1967 թ. կազմել է կուսակցության ծրագիր-կանոնադրությունը, իսկ արդեն 1968 թ.՝ ծերրակալվել: 1968 թ. կուսակցության վաստացի դեկավարը Պարույր Յայրիկյանն էր, որքան էլ որ երկար տարիներ գտնվել է անազատության մեջ⁵: 1973 թվականին նա արդեն ԱԱԿ խորհրդի ընտրված դեկավարն էր: Ազգային միացյալը կոչվում էր կուսակցություն, սակայն իրականում ոչ թե կուսակցություն էր, այլ ազգային ճակատ՝ Հայաստանի անկախության կողմնակիցների՝ անկախականների միավորում: Թեև ԱԱԿ-ի առաջնահերթ խնդիրը Յայաստանի անկախությունն էր հանրաքեի ժողովրդավարական ճանապարհով: Կազմակերպությունը իր կարևորագույն խնդիրներից էր համարում Հայաստանում բազմակուսակցական համակարգի ստեղծումը: 1976 թ. տպագրված «ԱԱԿ-ի գոյության 10-րդ տարում» հոդվածաշարություն կարույր ենք, որ Հայաստանի անկախացումից հետո ԱԱԿ-ն պետք է տրոհվի տարրեր կուսակցությունների՝ դրանով նպաստելով բազմակուսակցության ծևավորմանը Հայաստանում: Տարիներ անց այդպես էլ եղավ: Ընդհատակից դրւում եկած և 1987 թվականից որպես Ազգային ինքնորոշում միավորում հանդես եկող ԱԱԿ-ի հիման վրա 1989-90 թթ. Հայաստանում ստեղծվեցին մի շարք քաղաքական կազմակերպություններ: Այդ փուլում ԱԱԿ-ԱԱՍ դեկավար Յայրիկյանը արտասահմանում էր: Մոսկովյան իշխանությունները 1988 թ. հուլիսին նրան հատուկ օդանավով բռնի արտաքսել էր նոր ժեռվայի: Այդ նույն ժամանակ հանրապետությունը ծևավորմանը են նաև այլ կազմակերպություններ՝ Ազգային միասնության ուժում և այլն, որոնք էլ առարկայական նախադրյալներ էին ստեղծուուն հետագայում բազմակուսակցության ծևավորման համար:

Այս գործում որոշակի է նաև «Ղարաբաղ կոմիտեի» դերը, որը 1988 թ. օգոստոսին անհրաժեշտ համարեց կազմակերպական ծև տալ համաժողովրդական շարժմանը և այն անվանել Յայոց համագգային շարժում: Որքան էլ 1988 թ. դեկտեմբերի երկրաշարժից հետո «Ղարաբաղ կոմիտեի» շատ մասնակիցներ, դեկավարներ ծերրակալվեցին, միևնույն էլ կանգնեցնել շարժումն այլս անհնար էր: Այն նոր թափ ստացավ «Ղարաբաղ կոմիտեի» առանջնորդներին բանտից ազատելուց հետո: 1989 թ. նոյեմբերի 4-7-ը Երևանում հրավիրվեց Յայոց համագգային շարժման առա-

¹ Տե՛ս Տոլորոս Բ. Ա., Նովայ Հօհոզնակ դոգոր: Թրամագիստական ուղղություն: Մ., 1990, ս. 9:

² Տե՛ս ՀՀ Ազգային արխիվ, ֆ. 1, գ. 1, գ. 21, թ. 47-52:

³ Նույն տեղում:

⁴ Տե՛ս ՀՀ Ազգային արխիվ, ֆ. 1, գ. 1, գ. 9, թ. 19:

¹ Տե՛ս ՀՀ Ազգային արխիվ, Պարույր Յայրիկյանի անձնական ֆոնը, ֆ. 1450, գ. 1, թ. 20-34: Պարույր Յայրիկյան, Ազգային միացյալ կուսակցություն. Ծրագիր, կանոնադրություն և պարագայք, 1974 թ., Երևան, 1991 թ.: Անկախության ճանապարհական պարագայքություն, 1997 թ.:

ջին համագումարը, որը նոր երևույթ էր գործող կոմունիստական համակարգի պայմաններում: Իսկ երբ արդեն 1990 թ. մայիսի 20-ին Հանրապետությունում կայացած ընտրություններում, որոնք խորհրդային Միության պատմության մեջ մրցակցային հիմքի վրա անցկացված առաջին ժողովության ընտրություններն էին, Կոմունիստական կուսակցությունը պարտություն կրեց, որը խթանիչ ներ կատարեց Հայաստանում բազմակուսակցական համակարգի հաստատման համար: Իշխանության եկավ Հայոց համագօգային շարժումը¹:

Գալով իշխանությամ՝ այն որդեգրեց անկախ պետականություն ստեղծելու գործնթացը, որի գաղափարները դրսերգվեցին 1990 թ. օգոստոսի 23-ի Գերագույն խորհրդի ընդունած Հայաստանի անկախության հոչակագրում: Նրանում, բազմաթիվ այլ հիմնախնդիրների շարքում, կարևորվում էր խոսքի, մամուլի, խոնջի ազատության ապահովումը, օրենսդիր, գործադիր և դատական իշխանությունների տարանջատումը և, որ կարևոր է, կուսակցությունների իրավահավասարության, իրավապահ նարմինների և գինված ուժերի ապաքաղաքականացումը²: Իսկ արդեն 1991 թ. փետրվարի 26-ին «Հասարակական-քաղաքական կազմակերպությունների մասին»³ օրենքով հանրապետությունում սկսվեց անցում կատարվել միակուսակցական համակարգի բազմակուսակցական համակարգի:

Նույն երևույթը բնորոշ էր նաև հետխորհրդային մյուս հանրապետություններին, սակայն նրանցից յուրաքանչյուրն ուներ իր առանձնահատկությունները:

Մեր հանրապետությանը բնորոշ առանձնահատկություններից մեկն այն էր, որ երկիրը երկար տասնամյակներ ապերելով միակուսակցական համակարգում և այժմ ստանալով հնարավորություն ըստ իր նախասիրությունների ստեղծելու կազմակերպություն, կուսակցություն և այլն, մի ժայրահեղությունից ընկավ մեկ այլ ժայրահեղության մեջ: Սկսվեց, այսպես ասած, «առաջնորդացավով» ապրելու մի շրջան, երբ ամեն ոք, որ տառապում էր լիդերության ցավով, ցանկանում էր ստեղծել կուսակցություն: Դա է պատճառը, որ հատկապես առաջին տարիներին իրար հետևից ստեղծվում էին բազմաթիվ կուսակցություններ, որոնք հաճախ իրար կրկնում էին, իրար նման էին և որևէ դեռ չունեին հանրապետության հասարակական-քաղաքական կյանքում: Օրինակ, 1991 թ. հանրապետությունում գործելու իրավունք ստացան 12 կուսակցություններ, իսկ հետագայում դրանց թիվն ավելացավ՝ առանձին տարիներին անցնելով 100-ի սահմանը:

Ընդհանրապես համաշխարհային պատմության փորձը հաստատում է մի կարևոր երևույթ, ըստ որի ճանաչում, հեղինակություն չունեցող կուսակցությունները ծովագում են ավելի ուժեղ, ազդեցիկ կուսակցություններին: Այդ երևույթը բնորոշ է նաև միակուսակցական համակարգի բազմակուսակցության անցնող Ռուսաստանի Դաշնությանը, որտեղ տարբեր կուսակցություններ, չհամապատասխանելով կուսակցություններին ներկայացվող պահանջներին՝ ունենալ ոչ պակաս 50000 անդամ և առնվազն 45 շրջանային բաժանմունքներ՝ յուրաքանչյուրում 500 անդամ, դադարիցնում են իրենց գործներությունը կամ էլ վերափոխվում են հասարակական շար-

¹ Հայկ Ա. Թոքանցյան, Հայաստանի ազգային անվտանգության ռազմավարության մշակման ուղղություններու տարածաշրջանային անվտանգության համատեքստում, Երևան, 2008 թ., էջ 50:

² Տես Հայաստանի Հանրապետության գործող օրենքների ժամանակագրական ժողովածու (1990-1995 թթ.), Երևան, 1995 թ., էջ 9:

³ Նույն տեղում, էջ 115-118:

ժումների: Այդ գործնթացը մեր հանրապետությունում մի փոքր ավելի դանդաղ է տեղի ունենալ:

Հայաստանում գործող բազմաթիվ կուսակցությունների առկայությունը ժողովրդավարությանը նպաստող կարևոր գործոններից մեկն է, որը ամրագրվել է 1995 թ. և 2005 թ. լրացված, փոփոխություններով ընդունված Սահմանադրությունում: Նրա 7-րդ հոդվածում նշվում է, որ Հայաստանի Հանրապետությունում ճանաչվում են գաղափարախոսական բազմակարգությունը և բազմակուսակցությունը: Կուսակցությունները կազմավորվում են ազատորեն, նպաստում ժողովրդի քաղաքական կյանքի ծևակորման ու արտահայտմանը: Նրանց գործներությունը չի կարող հակասել Սահմանադրությանը և օրենքներին, իսկ գործելակերպը՝ ժողովրդավարության սկզբունքներին¹: Իսկ ընդհանրապես ժողովրդավարությանը, միակուսակցական համակարգից բազմակուսակցության, բազմակարգության համակարգի անցմանը նախորդել և հետևել են բազմաթիվ նմանատիպ այլ որոշումներ: «Հասարակական քաղաքական կազմակերպությունների մասին» 1991 թ. փետրվարի 26-ի ՀՀ օրենքը², «Հասարակական քաղաքական կազմակերպությունների մասին» ՀՀ օրենքը կիրարկելու մասին, «ՀՀ սեփականաշնորհման հիմունքների մասին», «Հանրաքեի մասին», «Խորի ազատության և կրոնական կազմակերպությունների մասին», «ՀՀ պետական սեփականության մասին», «ՀՀ անկախության հոչակարգի ընդունման առթիվ ամնիստիայի մասին», «ՀՀ անկախության հոչական տարեղարձի առթիվ ամնիստիայի մասին», «Քաղաքացիների առաջարկությունները, դիմումները և գանգատները քննարկելու կարգի մասին», «ՀՀ Ազգային ժողովի պատգամավորների ընտրությունների մասին»³ և այլն, որոնք կունեց էին նպաստելու հանրապետության առջև ծառացած անցումային շրջանի բազմաթիվ խնդիրների լուծմանը և, որ կարևոր է, ժողովրդավարության անցմանը:

Խոսելով ժողովրդավարության մասին՝ քաղաքական կուսակցությունների ճանաչված հեղինակություն Մորիս Ռյուվերժեն իր «Քաղաքական կուսակցությունները» (Մոսկվա, 2007 թ.) հայտնի աշխատությունում գրում է, որ իրական ժողովրդավարությունը ոչ այլ ինչ է, քան համեստ մի բան: Այն որոշվում է առաջին հերթին ազատությամբ ժողովրդի համար և ժողովրդի յուրաքանչյուր մասի համար: Ընդ որում՝ ազատություն ոչ միայն իրենց ծագմամբ, ունեցվածքով, պաշտոնով, կրթությամբ, այլ իրական ազատություն բոլորի համար, որը ենթադրում է կյանքի որոշակի մակարդակ, որոշակի ընդհանուր կրթություն, որոշակի սոցիալական հավասարություն⁴:

Մինչդեռ իրողությունն այն է, որ դեռ ԽՍՀՄ տարիներին հաստատված ամբողջատիրական համակարգը արգելակում և կաշկանդում էր քաղաքացիների նախաձեռնությունը: Եվ որքան էլ ԽՍՀՄ փլուզումից հետո ստեղծվեցին նոր պայմաններ այդ թվում նաև Հայաստանի Հանրապետության համար՝ անցնելու ժողովրդավարության, բազմակուսակցության ծևակորմանը և այլն, իրականությունն այն է, որ նման անցումը անչափ դժվար է և բավական երկար ժամանակ պահանջող խնդիր:

¹ Տես Հայաստանի Հանրապետության Սահմանադրությունը, Երևան, 2005 թ., էջ 6:

² Տես Հայաստանի Հանրապետության գործող օրենքների ժամանակագրական ժողովածու (1990-1995 թթ.), Երևան, 1995 թ., էջ 115-118:

³ Նոյն տեղում, էջ 23-29, 45-49, 109, 118-119, 119-130, 138-140, 435-436, 839-865:

⁴ Տես Մօրիս Ջլուերժ, Պոլիտիկական գործություններ, Մ., 2007, ս. 494.

Վերլուծելով Հայաստանի Հանրապետությունում հետխորհրդային տարիներին կատարվող նոր իրողությունները, նոր մքնուրոտը՝ Ազգային ժողովի նախկին խոսնակ Տիգրան Թորոսյանը իր «Հասարակական համակարգի հետխորհրդային տրանսֆորմացիա» աշխատությունում (Երևան, 2006 թ.) նշում է, որ նախկին խորհրդային հանրապետություններում ծևավորված կուսակցական համակարգերը հաճախ անվանվում էին քվազի բազմակուսակցական և դեռևս գտնվում էին սաղմնային վիճակում: Բայց հեղինակը միաժամանակ լավատեսորեն այն միտքն է զարգանում, որ դրանք հնարավորություն ունեն զարգանալու և վերափոխվելու խսկական ժողովրդավարական կուսակցական համակարգի¹: Սակայն Հայաստանի Հանրապետության անկախության ավելի քան 20 տարիները ցույց տվեցին, որ անչափ դժվար է հանրապետությունում ծևավորել ժողովրդավարական, բազմակուսակցական այնպիսի մի համակարգ, որտեղ բազմակուսակցությունը իրոք ծառայի իր նպատակին, իր կոչմանը, որտեղ իշխանություն-ժողովուրդ և հակառակ փոխհարաբերություններում իշխի փոխադարձ վաստակություն, որտեղ քաղաքացին իրեն պաշտպանված զգա անօրինություններից, կանայականություններից, իր իրավունքների ուժնահարումից, բյուրոկրատական ապարատի ճնշումներից և այլն: Դժվար չէ համոզվել, որ հանրապետությունում գործող նրանց և հանրությանը ներկայացող կուսակցությունները անչափ հեռու են իրենց ծրագրերում հռչակած սկզբունքներից, որն էլ արդարացիորեն ծնուն է անվստահություն, թերահավատություն և անտարբերություն թե՛ նրանց և թե՛ նրանց հռչակած կարգախոսների ու խոստումների նկատմամբ:

Հայաստանի Հանրապետությունում ծևավորվող բազմակուսակցական համակարգի առանձնահատկություններից մեկն էլ այն էր, որ անկախության համար պայքարի առաջին տարիներին, երբ մարդկանց մեծ մասի շրջանում գերիշխում էր համընդիմանուր ոգևորություն, հավատ քաղաքական նոր ուժերի, քաղաքական վերնախավի նկատմամբ, ժամանակի ընթացքում այդ ոգևորությունն սկսեց անկում ապրել, մանավանդ, երբ գրեթե բոլոր կուսակցությունների շարքերում, հատկապես իշխող, սկսեցին առաջանալ հակասություններ, անհամաձայնություններ, որոնք կարծ ժամանակամիջոցում հանգեցրին կուսակցությունների պառակտնանը: Օրինակ, իշխող կուսակցությունից՝ Հայոց համազգային շարժումից, անջատվեցին և ծևավորվեցին մի քանի նոր կուսակցություններ՝ Ազգային ժողովրդավարական կուսակցություն (Վազգեն Մանուկյան), Ազգային ժողովրդավարների դաշինք (Արշակ Սադոյան), Ազգային ժողովրդավարական կուսակցություն (Հավարշ Քոչարյան) և այլն: Նույն երևույթը բնորոշ էր նաև երկար տարիներ երկրի միակ կառավարող կոմունիստական կուսակցությանը, որից ծնվեցին արհեստաձիննոր կոմունիստական կուսակցություններ՝ Հայաստանի առաջադիմական միացյալ կոմունիստական կուսակցություն (Վազգեն Սաֆարյան), Հայաստանի միավորված կոմունիստական կուսակցություն (Յովրի Մանուկյան) և այլն:

Տարանջատման այդ երևույթը ոչ այնքան տարբեր հարցերի շուրջ գաղափարական, տեսական տարածանություններն էին, այլ ավելի շատ առաջնորդացավը և եսասիրությունը, քանի որ նրանցից յուրաքանչյուրը տառապում էր փառասիրությամբ և ծգտում էր լինել առաջինը: Մինչդեռ նաև հանգամանքը ոչ թե նպաստում էր բարձրացնելու կուսակցությունների հեղինակությունը, այլ հակառակը՝ հանգեց-

նում էր նրանց հեղինակագրկանը: Իրականում մարդիկ կուսակցության առաջնորդների մեջ տեսնում էին ոչ թե իրենց գործի նվիրյալների, այդ գաղափարներով ապրողների, այլ ավելի շուրջ՝ եսասիրների: Դա է պատճառը, որ հաճախ շատ կուսակցություններ շարունակում են մնալ սուկ թղթի վրա գրված կուսակցություններ, որևէ դերակատարություն չունեն երկրի հասարակական-քաղաքական կյանքում:

Այս հարցում մյուս առանձնահատկությունն այն է, որ որոշ կուսակցություններ դառնալով իշխող, կառավարող կուսակցություն, իրենց շարքերում ունենում են ոչ այնքան կուսակցության գաղափարները կրողներ, կուսակցության գաղափարներով ապրողներ, այլ կուսակցությունը որպես «տանիք» դիտողներ՝ իշխանական բուրգում հայտնվելու կամ մնալու, ինչպես ասում են՝ տաքուկ տեղ ունենալու համար: Նման հանգամանքը ազդում է կուսակցության հեղինակությանը, ստվեր գցում նրա վրա, մանավանդ եթե կուսակցության շատ անդամներ այնքան էլ տեղյակ չեն, թե ինչ է դավանում իրենց կուսակցությունը, որոնք են նրա գաղափարները և այլն: Եթե նման շատ արատավոր երևույթներ բացատրվում են այն հանգամանքով, որ ինի քանիման և նորի ծևավորման ժամանակ, երբ երկրում տիրում էր դեռևս խառնաշփոր, քառասային վիճակ, երբ դեռ քաղաքական կրքերը չեն հանդարտվել, հրստակեցվել և այլն, ապա երբ արդեն այդ ամենը մնացել է ետևում, այժմ անհրաժեշտ է, որ յուրաքանչյուր կուսակցություն հստակ որոշի իր տեղը, իր դերակատարությունը երկրի, հանրապետության առջև ծառացած խնդիրների լուծման գործում: Կուսակցությունների համար այդ հաղթարութը նրանց ծրագրերն ու պատկերացումներն են երկրի գարգացման ուղիների մասին, երկրի ներկայի և ապագայի մասին: Այս հարցում, ցավոք, կամ շատ թերություններ, անկատարություններ: Առավել ևս երբ ծանոթանում ես տարբեր կուսակցությունների ծրագրերին, որոնք գրեթե իրար նման են և հաճախ կրկնում, նմանակում են իրար, որովհետև մարդկությունը այդքան գաղափարներ, հասարակության զարգացման այդքան տարբեր ուղիներ չի մշակել, չի հնարել: Եվ որքան էլ մեր երկիրը, մեր ժողովուրդն ունի իր յուրօրինակ պատմությունը, իր յուրահատուկ անցյալը, որը որոշակի հետք է թղթել նրա հոգեքա. նության, մտածելակերպի վրա և այլն, այնուամենայնիվ նրան բնորոշ է եղել քաջատեղյակերպությունը համաշխարհային, համամարդկային քաղաքական, մշակութային, գիտական մտքին, նրա զարգացումներին, մշակել է իր սեփական աշխարհընկալումը, զարգացման, գոյատևման իր հայեցակարգը, որի կենսագործումը մեծ չափով հնարավոր է ազգի, ժողովրդի, համախմբման, համերաշխության և միասնական գործելու դեպքում, որն այսօր առավել քան երեք անհրաժեշտ է և հրամայական: Այդ իմաստով ներկա ժամանակաշրջանում հանրապետությունում գործող ավելի քան 75 կուսակցություններ անդամական միացյալ կոմունիստական կուսակցություն (Վազգեն Սաֆարյան), Հայաստանի միավորված կոմունիստական կուսակցություն (Յովրի Մանուկյան) և այլն:

Հարանջատման այդ երևույթը ոչ այնքան տարբեր հարցերի շուրջ գաղափարական, տեսական տարածանություններն էին, այլ ավելի շատ առաջնորդացավը և եսասիրությունը, որից ծնվեցին արհեստաձիննոր կոմունիստական կուսակցություններ՝ Հայաստանի առաջադիմական միացյալ կոմունիստական կուսակցություն (Վազգեն Սաֆարյան), Հայաստանի միավորված կոմունիստական կուսակցություն (Յովրի Մանուկյան) և այլն:

¹ Տես Տիգրան Թորոսյան, Հասարակական համակարգի հետխորհրդային տրանսֆորմացիա, Երևան, 2006, էջ 136:

Պետք է հասկանալ, որ կուսակցությունների ստեղծումը ինքնանպատակ չէ, այլ երկրի ուժերը համախմբելու և երկրի առաջընթացը ապահովելու պատրաստակամություն:

Генрих Абрамян, Переход от однопартийной к многопартийной системе в Республике Армении в переходный период как наиболее важный фактор демократии. - В статье автор рассматривает необходимость более глубокого научного переосмысления истории развития от однопартийной к многопартийной системе в советском и постсоветском обществе и в этом плане представляет сравнительный подход к изучению данного вопроса в армянской действительности. Автор одним из первых анализирует переход к многопартийной системе, а также исследует типичные для переходного периода проблемы разветвления и роста количества партий в Армении.

Henrik Abrahamyan, The transition from one-party to multi-party system in Armenia during the transition period, as the most important factor of democracy. - The article considers the fact that at present there is more need for more scientific rethinking of the history of the development from one-party rule to a multiparty system in the Soviet and post-Soviet societies and in this respect presents a comparative approach to this issue. The author is one of the first to analyze the transition to a multiparty system, and to explore the typical transition issues of branching and growth of political parties in Armenia.
